

欽定大清會典事例

欽定大清會典事例卷二百七十四

戶部

蠲恤

賑飢四

嘉慶十八年展賑

盛京承德廣甯牛莊錦州遼陽復州熊岳鐵嶺蓋
州金州十處上年被水旗民。○又加賑山東省
禹城齊河濮鄆城東平汶上壽張荷澤聊城茌
平博平莘范觀城朝城平原十六州縣上年被
旱被水災民。○又展賑江蘇省高郵寶應甘泉
興化四州縣上年被水災民。○又展賑安徽省

宿泗盱眙天長五河五州縣及泗州衛上年被
水被旱災民。○又賑直隸省邢臺沙河南和平
鄉鉅鹿唐山內邱任廣宗永年邯鄲成安肥鄉
廣平雞澤磁曲周威清河開元城大名南樂清
豐東明長垣冀東強武邑新河南宮隆平臨城
甯晉高邑三十五州縣被旱災民。○又賑山東
省東平東阿壽張荷澤鄆城濮范觀城朝城在
平博平莘邱十三州縣本年被旱災民。○又加
賑廣東省三水南海高明高要開建封川清遠
鶴山番禺四會南雄順德新會花廣甯德慶開

平十七州縣被水災民。○又賑河南省祥符陳

留禹杞蘭陽

今裁缺

儀封

今裁缺

中牟新鄭許臨潁

襄城長葛汝郟寶豐伊陽鄭尉氏洧川通許鄆

陵密太康扶溝裕葉二十六廳州縣被旱災民。

○又賑直隸省鉅鹿縣被旱災民。並給順德廣

平趙三府州屬貧民口糧兩月。○又賑河南省

魯山縣被旱災民。並給洛陽鞏登封偃師光五

州縣災民口糧一月。○又給安徽省亳蒙城懷

遠宿鳳陽五州縣被水災民口糧一月。○又賑

安徽省亳蒙城懷遠鳳陽宿五州縣災民。並給

泗盱眙五河鳳陽靈璧五州縣暨屯坐各衛口糧一月。○又賑山東省曹州濟甯二府州屬被賊難民。○又賑河南省祥符陳留杞通許尉氏洧川鄆陵中牟蘭陽儀封鄭禹密新鄭裕葉太康許臨潁襄城長葛汝魯山郊寶豐伊陽甯陵睢商邱鹿邑柘城洛陽偃師鞏登封光虞城安陽湯陰臨漳武安內黃獲嘉輝封邱考城河內濟源修武武陟原武陽武孟津舞陽羅山淮甯沈邱滎澤濬宜陽南陽南召鄧閬鄉西華項城鄆城六十七廳州縣疊被水旱災民並給封邱

陽武新鄉獲嘉輝林六縣被賊難民口糧兩月。
○十九年。展賑直隸省平鄉南和廣宗鉅鹿肥
鄉。曲周廣平雞澤威都鄆隆平甯晉十二縣上
年被水被旱被雹災民。○又展賑河南省祥符
陳留杞通許中牟蘭陽儀封鄭禹新鄭尉氏洧
川鄆陵密裕葉太康扶溝許臨潁襄城長葛汝
郊寶豐伊陽魯山甯陵睢鹿邑柘城商邱三十
二廳州縣上年被水被旱災民。○又展賑安徽
省毫蒙城懷遠鳳陽宿五州縣上年被水被旱
災民。○又

諭。上年荒旱之區。豫省最甚。撫恤尤為最要。方受疇當
深體朕懷。力為拯救。於賑恤之外。多設粥廠。以期多
所全活。○又賑安徽省合肥。廬江。無為。巢。桐城。銅陵。
鳳陽。壽。鳳。臺。懷遠。定遠。蒙城。霍邱。六安。霍山。泗
盱。眭。五河。天長。滁。全。椒。來安。二十二州縣及屯
坐各衛。被水被旱災民。○又撥江蘇省城附近
倉米六千石備賑。○又賑陝西省神木府谷。懷
遠。榆林。四縣被霜災民。○又賑陝西省潼關。華
陰。三。廳。州。縣被水貧民。○又賑江蘇省上元。
江甯。江浦。六合。溧水。高淳。泰。江都。甘泉。儀徵。武

進陽湖金匱無錫江陰丹徒丹陽金壇溧陽宜興荆溪二十一州縣被水被旱災民。○二十年

諭。據常明奏向來川省地方。偶遇歉收。皆由地方官詳請借穀平糶。至冬春之際。貧民乏食。酌撥借糶贏餘銀兩。買米煮賑。設有不敷。官為捐補。從未辦過災賑。上年保甯一府。收成僅止五分。今春青黃不接之時。必須接濟等語。朕軫念民艱。無時或釋。直省地方。偶有偏災。不惜發帑賑恤。俾無一夫失所。其辦理災區分數。俱有定例可循。該督職任封圻。如地方年歲歉收。民食實形拮据。亦豈得因該省向未辦災。不恤民

困。上年保甯各屬收成僅止五分。現屆青黃不接之時。或應平糶。或應煮賑。迅即查明分別籌辦。常明務督飭該地方官認真經理。毋令貧民乏食。別滋事端。

○又展賑奉天省遼陽牛莊廣甯承德鐵嶺開原。蓋平。七處上年被水旗民。○又展賑江蘇省句容縣上年被旱被水災民。○又賑安徽省蒙城懷遠鳳陽盱眙天長。五河銅陵。合肥廬江巢壽定遠鳳臺霍邱泗桐城全椒。來安宿靈璧亳甯國。建德東流貴池懷甯望江宣城涇南陵。三十州縣上年被水被旱災民。○又展賑陝西省

榆林懷遠葭神木府谷綏德米脂七州縣災民。
○又賑江蘇省高郵寶應二州縣衛被水災民。
○又賑直隸省永清霸縣安武清雄安高陽七
州縣被水災民。○又撥江甯藩庫銀三萬三千
五十兩賑高郵寶應二州縣被水災民。○二十
一年展賑奉天省承德鐵嶺金州牛莊岫巖廣
甯巨流河撫民廳八處上年水災旗民。○又展
賑江蘇省高郵寶應二州縣上年被水災民。○
又賑直隸省安新安今裁雄高陽四州縣被水
被雹災民。○又賑安徽省宿靈璧懷遠鳳陽泗

五河六州縣及屯坐各衛水旱災民。○二十二
年

諭。本年直隸所屬州縣多有雨澤稀少之處。無業貧民。
有攜家北來覓食者。即分飭四路廳員。或設局留養。
或資送回籍。務須妥為安置。毋令失所。該府尹等仍
一面咨行方受疇。令其查明直隸被旱較重州縣。先
行分設粥廠。善為撫恤。俾貧民等安心待賑。自不致
遠涉北上。○又發京倉粟米三千石。給順天府大興
宛平二縣煮賑。○又賑江蘇省高郵甘泉寶應
三州縣災民。○又

諭盛京復州等處被災旗民應領續賑米石據該將軍等查明倉貯不敷若由鄰邑改撥轉運需時著照所請准其一半照銀米兼賑例折給銀兩一半照依高糧米價折給銀兩聽民自買雜糧食用○又賑雲南省鄧川州被水貧民○二十三年展賑奉天省復州甯海甯遠金州四處上年被旱旗戶○又展賑江蘇省高郵寶應甘泉沛睢甯五州縣上年被水災民○又賑安徽省宿靈璧泗三州縣水旱災民○二十四年展賑奉天省遼陽廣甯承德海城甯海鳳凰岫巖牛莊小黑山白旗堡

巨流河十一處及錦州撫民同知所屬上年被水旗民。○又賑河南省濱河各州縣被水災民。○又展賑直隸省固安永清東安三縣被水災民。○又賑直隸省通武清霸保定大城固安永清東安雄安高陽新安長垣東明開十五州縣旗民。○又賑安徽省亳蒙城太和懷遠鳳陽靈璧鳳臺五河泗九州縣及屯坐各衛災民。○二十五年。展賑奉天省開原遼陽廣甯鐵嶺承德海城金州牛莊小黑山白旗堡巨流河十一處及錦州撫民同知所屬上年被水災民。○又展

賑直隸省大興宛平固安永清東安長垣安新
安雄開東明通武清霸保定大城高陽十七州
縣上年被水災民。○又展賑安徽省亳蒙城太
和懷遠鳳陽鳳臺靈璧泗五河九州縣上年被
水災民。○又展賑河南省新鄉獲嘉封邱滑延
津武陟原武陽武滎澤九縣上年被水災民。○
又展賑山東省濮范利津壽張東阿東平陽穀
霑化八州縣被水災民。○又

諭。浙江杭州等府屬。本年夏間缺雨。七月間又因風潮
山水。民田廬舍被淹多處。現據該撫飭司委員查勘。

其被災最重之諸暨蕭山臨海麗水四縣著一面查明具奏。一面先行散給口糧。毋令災黎嗷嗷待哺。○

又加賑河南省儀封蘭陽睢柘城鹿邑杞祥符七廳州縣被水災民。○又賑江蘇省海州被水被旱災民。○又賑安徽省鳳臺懷遠鳳陽靈璧五河泗宿天長八州縣被水被旱及屯衛軍民。○又以河南省儀封杞蘭陽睢鹿邑柘城六廳州縣被水較重。

命加設粥廠煮賑兩月。○道光元年展賑奉天省彰武臺邊門等處上年被水旱雹災旗民。○又展賑

江蘇省海州上年被水被旱災民。○又展賑安徽省鳳臺懷遠鳳陽靈璧五河泗六州縣及鳳陽長淮泗州三衛上年被水被旱軍民。○又展賑河南省儀封蘭陽祥符杞睢鹿邑柘城七廳州縣上年被水災民。○又賑

盛京巨流河白旗堡二道壩小黑山廣甯高橋七驛水災站丁。○又賑安徽省鳳陽宿靈璧三州縣被水災民。○又賑直隸省安肅新城東安涿靜海甯晉定七州縣被水被雹災民。○又賑江蘇省句容沛陽二縣災民。○二年。展賑兩淮板

浦中正臨興三場上年被水竈丁一月。○又賑直隸省霸文安大城保定清苑安新安博野雄獻冀衡水新河趙大名元城任南樂高邑任邱阜平。二十一州縣被水災民。○又賑甘肅省河州被水災民。○又賑安徽省宿州被水災民。○又賑直隸省霸保定文安大城永清望都雄安新安獻任邱清苑安肅新城博野祁高陽河間肅甯無極藁城新樂開大名元城南樂清豐東明長垣冀南宮新河武邑衡水趙隆平甯晉深武強饒陽安平定深澤四十三州縣被水災民。

○又賑安徽省宿鳳陽靈璧鳳臺五河懷遠泗
七州縣及屯坐各衛被水被旱軍民。○三年。展
賑直隸省霸保安文安大城永清雄安新寧任
邱清苑安肅新城博野祁高陽河間肅寧無極
藁城新樂藁南宮新河武邑衡水趙隆平甯晉
深武強饒陽安平定深澤望都獻二十六州縣
上年被水災民。○又

諭。將攸銛奏被災最重各州縣酌量煮賑。並請將大賑
提早一月一摺。直隸省被災各州縣。據該督原報續
報。統計被水之區。已有一百零八府廳州縣。內通武

清寶坻香河霸保定文安大城固安永清東安宛平
雄高陽安新安河間任邱天津青靜海二十一州縣
情形最重。均係上年災歉之區。亟應籌議撫恤。前經
降旨。准截留漕米四十萬石。此時尚未卸貯北倉。茲
該督議放折色。以期餬口有資。加恩著照所請。於撫
恤後大賑前。各就地方情形。分別煮賑摘賑。妥為辦
理。俟漕糧截卸後。即飭酌量分撥。速運趕辦。如運米
往返需時處所。仍撥給銀兩。摘賑一月口糧。散放折
色。其有米已運回。設廠煮賑。於散放大賑日。暫行停
止。至大賑著提早一月。於十月內一併散放。所有米

折銀兩。按照成案。每石一兩四錢。俾災黎早霑實惠。毋令一夫失所。○又加賑湖北省黃梅縣被水災民。

○又賑直隸省通武清寶坻香河甯河霸保定文安大城固安永清東安宛平涿清苑雄安高陽新安河間獻任邱交河天津青靜海無極藁城新樂藁南宮新河武邑衡水隆平武強饒陽安平清河威四十州縣被水災民。○又賑安徽省無為銅陵當塗宣城南陵蕪湖繁昌望江桐城和懷甯宿松貴池青陽東流廬江巢含山全椒十九州縣及屯坐各衛被水被旱軍民。○又

賑江蘇省上元。江甯。句容。溧水。高淳。江浦。六合。
江都。儀徵。泰興。長洲。元和。吳。吳江。震澤。常熟。昭
文。崑山。新陽。太湖。華亭。奉賢。婁金山。南匯。青浦。
川沙。武進。陽湖。無錫。金匱。江陰。宜興。荆溪。靖江。
丹陽。金壇。太倉。鎮洋。嘉定。寶山。崇明。四十二州。
廳縣。暨蘇州。太倉。鎮海。金山。揚州。五衛。被水。被
旱。軍民。○又賑浙江省仁。和。錢塘。餘杭。嘉興。秀
水。嘉善。石門。桐鄉。歸安。烏程。長興。德清。武康。十
三縣。及屯坐各衛。被水。軍民。○四年。展賑直隸
省。通三河。武清。寶坻。薊香。河甯。河霸。保定。文安。

大城固安永清東安大興宛平清苑安肅定興
新城望都雄高陽安新安河間獻任邱天津青
靜海無極藁城新樂趙隆平甯晉定三十八州
縣上年被雹災民一月。○又展賑河南省武陟
濬兩縣被水災民一月。○五年。賑貴州省鎮遠
等州縣被水貧民。○六年。加賑湖南省醴陵攸
茶陵三州縣被水災民口糧一月。○七年。展賑
江蘇省高郵興化東臺寶應江都甘泉山陽阜
甯清河安東鹽城上元江甯江浦海沭陽泰十
七州縣上年被水貧民及淮安大河二衛坐落

各縣饑軍。並加賞卹宿遷沛蕭沭陽五州縣貧民饑軍口糧一月。○八年。賑江蘇省海沭陽大河三州縣衛貧乏軍民。○九年。展賑江蘇省海沭陽二州縣上年被水被旱災民。○又展賑兩淮板浦中正臨興三場上年被水貧竈一月。○十年。撥湖北省藩庫銀二萬兩。賑濟監利縣被水災民。○又賑四川省彭城秀山二縣被水災民。○又賑直隸省文安大城二縣貧民。○又賑雲南省普義縣災民。○十一年

諭。上元江甯句容高淳江浦六合江都儀徵等縣沿江

被水各處。一片汪洋。僅存屋脊。鎮江府屬之丹徒丹陽兩縣。濱江田廬。被淹亦多。淮安府屬之桃源縣。揚州府屬之高郵州甘泉縣寶應縣各處災民。遷依埕阜。四面水圍。棲食全無。悽慘景況。不堪設想。現經該督等趕緊設法拯濟。據稱已飭藩司動項。委員分頭馳往撫恤。此時百姓倉猝轉徙。無從挨查戶口。惟有將銀趕緊易換錢米。隨查隨給。以資濟急。所辦甚是。若仍拘泥向例。查勘分數。分析輕重。何濟於事務。要趕緊拯救。均霑實惠。或可免委於溝壑也。○又賑江

蘇省崇明靖江二縣災民。○又賑安徽省無為

巢廬江和含山。五河當塗無湖繁昌貴池銅陵。
東流桐城望江懷甯宿松懷遠鳳陽鳳臺靈璧。
泗潛山盱眙二十三州縣。及屯坐各衛被災水
旱貧民。○又賑江蘇省上元江甯句容溧水高
淳江浦六合靖江丹陽山陽阜甯桃源鹽城高
郵泰東臺江都甘泉儀徵興化寶應崇明泰興
淮安大河揚州二十六州縣衛被災民。○又
賑浙江省仁和錢塘烏程歸安德清武康六縣
及嘉湖衛被災民。○又展賑湖北省江夏嘉
魚漢陽漢川孝感黃岡黃梅廣濟咸甯武昌黃

陂沔陽江陵監利公安石首十六州縣被水災
民三月。○又以安徽省被水災民乏食。

命截留該省捐監銀十萬兩。以備賑需。○十二年。展賑
安徽省懷甯桐城宿松望江貴池銅陵東流當
塗無湖繁昌。無為廬江巢鳳陽懷遠靈璧鳳臺
泗五河和含山。二十一州縣被水被旱災民。及
屯坐各衛貧民一月。○又

諭向來五城飯廠俱自十月起至次年三月二十日止
本年著施恩加賑一月。於閏九月初一日起。散至次
年三月二十日止。○又賑福建省澎湖廳被風歉收

災民○又

諭。昇寅等奏京畿雨澤愆期。窮黎艱於口食。請賞給米二千二百石。交五城分設十廠。自七月十一日起。開廠煮賑。著加恩照所請行。惟現在溽暑未退。儻辦理不善。致令飯顆蒸變。不堪食用。殊不足以溥實惠而濟民艱。著昇寅等出示曉諭。並嚴飭五城及派出照料之滿漢科道各員。每日散飯。務於清晨以前一律放竣。庶不致有味變之虞。並著隨時體察。如實因天氣炎熱。所煮飯粒難免蒸變。即行據實奏明。變通辦理。毋得回護前奏。草率將事。以致有名無實。用副朕

軫念災黎之至意。○又撥戶部銀一百萬兩運赴直隸。並碾常平倉穀二十萬石。截留江西新漕三十萬石。存儲天津北倉備賑。○又賑直隸省阜平行唐保安霸大城永清雄天津青靜海十州縣被水被旱災民。○又賑兩淮板浦中正臨興三場被水竈戶。○又賑安徽省五河縣被水軍民。並給五河宿靈壁鳳臺鳳陽懷遠泗壽建德東流望江十一州縣暨屯坐各衛軍民口糧一月。○又賑直隸省吳橋東光二縣被水災民。○又賑湖北省漢川天門公安石首四縣並屯坐

各衛被水軍民。○又撥京倉粟米一萬一千八百石。加賑順天府武清三河良鄉房山昌平順義懷柔平谷八州縣被災貧民。○又

諭京師五城飯廠。每年十月初一日起。每廠每日煮米一石。率以為常。本年夏間亢旱。收成歉薄。京外貧民入城謀食者。較往年加多。所領之飯。不足充腹。現在雖交春令。天氣尚寒。謀生匪易。著封印後五城十廠均於常賑例外。每廠每日各加米一石。俟來歲三月二十日常賑期滿。再行停止。○十三年。展賑直隸省霸大城永清雄吳橋東光天津青靜海阜平行。

唐保安十二州縣貧民一月。○又撥直隸省藩庫銀四萬兩。賑多倫諾爾廳乏食貧民折色口糧兩月。○又展賑安徽省五河縣被水軍民一月。○又以上年畿輔歉收。

命發京倉粟米三千石。於大興縣屬定福米育黃村宛平縣屬盧溝橋龐各莊清河六處設廠煮賑。○

又

諭陶澍等奏籌撥淮揚等屬展賑口糧需用銀款一摺。上年淮揚徐海等屬被災貧民。今春應給展賑及春賞口糧。共計二十二州縣衛地方既廣。災民戶口繁

多。據該督等查明。懇請撥銀三十五萬兩。以資接濟。加恩准其將江甯司庫所存上年災案平糶價銀六萬兩。十一年被災協撥賑濟餘贖銀七萬兩。十二年秋撥案內撥存漕價餘贖銀六萬兩。續解蘆課銀一萬兩。共銀二十萬兩。照數動撥。並於蘇藩司庫封貯款內。湊撥銀十五萬兩。俾資散放。○又加賞定福莊采育黃村盧溝橋龐各莊清河六處粥廠煮賑粟米五千石。並於石港司青白口地方添設一廠煮賑。○又賞順天府涿州煮賑粟米二千石。

○又

諭。何淩漢等奏賑廠煮飯請改散米一摺。順天府屬固

安縣設廠煮賑。距廠較遠村莊就食。貧民僕僕道途。

且天時較熱。煮飯易於變味。著照所請。准其改放口

糧。仍按大口三合。小口減半。五日一放。○又賑雲南

省昆明嵩明宜良河陽尋甸蒙自晉甯江川阿

迷。呈貢等十州縣地震災民。○又賑直隸省曲

陽縣被雹村莊貧民。○又賑湖北省漢川黃梅

二縣被水災民。○又賑江蘇省上元江甯句容

溧水高淳江浦六合江都儀徵九縣桃源縣吳

陸二鄉揚州大河二衛被水災民。○又賑江蘇

省上元江甯句容溧水高淳江浦六合江都儀徵桃源揚州大河十二縣衛被水災民。○又展賑安徽省銅陵當塗蕪湖繁昌貴池懷甯桐城東流望江五河鳳陽盱眙懷遠靈璧鳳臺泗合山十七州縣被水被旱村莊災民。○十四年展賑直隸省曲陽縣被水貧民一月。○又

諭江西省自五月以來大雨時行濱臨江湖一帶低窪田地民居多被水淹著該撫遴委幹員詳細確查所有被災較廣之區先由司庫籌撥銀兩令監司大員攜往督同該地方官照例覈實撫恤。○又賑順天府

大興宛平霸固安東安永清武清七州縣被水
災民。○十五年。展賑奉天省牛莊遼陽鳳凰城
三處上年被災旗戶一月。○十六年。展賑奉天
省廣甯等處上年被水旗民一月。○又賑陝西
省神木縣被災貧民。○又賑山西省河曲山陰
懷仁朔定襄大同應五臺岢嵐清水河渾源十
一廳州縣被災貧民。○十九年。加賑湖北省黃
梅監利公安三縣被水貧民。○又賑安徽省望
江東流銅陵五河桐城無為泗貴池宿松當塗
繁昌十一州縣及屯坐各衛災民。○二十年。賑

湖北省公安。江陵。沔陽。三州縣被水災民。○又賑直隸省天津。靜海。青滄。四州縣被水災民。○又賑江蘇省上元。江甯。句容。溧水。高淳。江浦。六合。泰興。武進。陽湖。無錫。金匱。江陰。靖江。丹陽。金壇。十六縣被水軍民。○二十一年

諭。程琳奏續查鳳潁兩府屬淮黃並漲低壤被淹一摺。據查豫省黃河漫水。灌入亳州渦河。復由鹿邑歸併入淮。以致各屬被災較廣。小民蕩析離居。殊堪憫惻。急宜妥為查勘。分別接濟。所有被災較重之太和縣。既據該撫飭司酌發銀兩。派員前往。著即查明戶

口。妥加撫恤。並先行碾動常平倉糧。藉資口食。其鳳臺五河鳳陽懷遠等縣。如察看民力未逮。亦即碾動倉穀。以濟急需。儻有不敷。准其由廬鳳道酌發銀兩。解往接濟。事竣由司解還歸款。其亳州壽州阜陽靈璧霍邱潁上蒙城盱眙等州縣。雖被水較輕。惟豫省漫口未堵。水勢未定。著飭該管道府查明實在情形。相機辦理。至沿淮之定遠宿州天長等州縣。低窪被淹。有無黃水灌入。亦著查明迅速覈辦。毋使一夫失所。○又賑湖北省沔陽黃梅廣濟江陵公安石首漢川潛江嘉魚九州縣被水貧民。○又賑湖南省

華容岳州二縣衛貧民。○又賑江西省德化德安湖口都昌建昌新建進賢星子彭澤瑞昌十縣貧民。○又賑江蘇省長洲元和吳江震澤常熟崑山新陽華亭奉賢婁青浦武進陽湖無錫金匱江陰靖江山陽阜甯清河桃源安東鹽城高郵泰東臺甘泉興化寶應銅山豐沛蕭礪山宿遷睢甯太倉鎮洋海沭陽江甯高淳江都上元句容溧水江浦六合儀徵泰興宜興荆溪丹陽金壇溧陽五十六州縣暨蘇州太倉鎮海淮安大河徐州揚州七衛被水貧民。○又賑江

蘇省上元江甯二縣被災貧民。○又展賑江蘇省上元江甯句容溧水高淳江浦六合泰興金壇溧陽十縣被災貧民一月。並加賑新陽縣貧民。○二十二年。賑浙江省仁和錢塘烏程歸安德清武康海甯七州縣被災貧民。○又展賑安徽省望江銅陵東流當塗蕪湖繁昌無為靈璧鳳臺太和五河桐城十二州縣及屯坐各衛饑民。並給銅陵桐城當塗蕪湖繁昌無為靈璧東流鳳臺懷甯和鳳陽懷遠含山貴池宿松廬江巢阜陽毫全椒泗二十二州縣及各衛上年被

災軍民口糧一月。○又展賑奉天省遼陽牛莊
蓋州岫巖鳳凰城廣甯六處及承德海城撫民
錦四廳縣上年被災旗民一月。○又

諭牛鑑等奏籌撥展賑口糧需用銀款一摺。江南省江
甯通州所屬之上元江甯句容溧水高淳江浦六合
泰興等八縣本年展賑一月口糧現據該督等查明
除於上年正賑撫恤案內餘贖銀兩全數撥用外尚
不敷銀十一萬八千七百餘兩准其在於龍江淮安
揚州等關徵收商稅及司庫屬解蘆課並戶屬事案
銀內分別湊足動撥其蘇州所屬之新陽鎮江所屬

之金壇溧陽等縣。需銀四萬三千六百餘兩。准其即在正賑案內原請動用之正項封貯水利經費等款內動用。以資散放。餘賸銀兩。照數解還。事竣彙冊報銷。○又賑江蘇省桃源沭陽二縣貧民。○二十三年。展賑江蘇省桃源縣上年被災貧民。並給桃源蕭沭陽清河安東五縣暨徐州衛軍民口糧一月。○又賑山東省福山縣被水災民。○又賑安徽省太和五河二縣及屯坐鳳陽衛被水災民。並給坍塌房間修費。○又賑山西省岢嵐州被雹災民。○又賑江蘇省沭陽縣大河衛災民。○

又展賑安徽省太和五河鳳臺三縣並屯坐衛
所被水軍民。○二十四年賑山西省汾陽縣被
災貧民。○又賑順天府霸永清二州縣被水旗
民。○二十八年賑直隸省通武清寶坻香河甯
河天津靜海七州縣被水災民。○又賑湖北省
漢陽黃陂孝感黃岡潛江江陵松滋武昌咸甯
大冶天門公安江夏漢川沔陽廣濟監利嘉魚
黃梅石首二十州縣及屯坐各衛被水災民。○
又賑安徽省無為當塗和宿松望江銅陵蕪湖
繁昌五河懷甯貴池東流桐城靈璧鳳陽宿十

六州縣及屯坐各衛被水災民。○又賑江蘇省
上元江甯句容溧水高淳江浦六合靖江山陽
阜甯桃源鹽城高郵泰東臺江都甘泉儀徵興
化寶應泰興二十一州縣暨淮安大河揚州三
衛被災軍民。○又賑兩淮呂四掘港富安安豐
梁垛東臺何垛丁溪草堰劉莊伍祐新興廟灣
十三場被水貧竈。○又加賑直隸省通武清寶
坻香河甯河天津靜海三河薊青鹽山慶雲豐
潤玉田十四州縣被災貧民。○二十九年。加賑
安徽省懷甯桐城宿松望江貴池銅陵東流當

塗蕪湖繁昌無為鳳陽靈璧五河和十五州縣
及泗州衛被水軍民並給和當塗五河桐城靈
壁鳳陽懷甯東流宿巢懷遠含山廬江十三州
縣貧民口糧一月。○又賑安徽省懷甯銅陵和
望江貴池宿松無為蕪湖東流當塗桐城繁昌
五河宣城含山南陵廬江鳳陽十八州縣及屯
坐各衛被水被旱軍民。○又展賑江蘇省太湖
金山靖江溧陽上元江甯六廳縣被水災民。○
又賑浙江省仁和錢塘海甯嘉興秀水嘉善海
鹽石門桐鄉烏程歸安長興德清武康餘杭新

城平湖安吉山陰會稽蕭山餘姚建德桐廬三十四州縣及杭嚴嘉湖二衛被水災民○又賑湖北省蒲圻黃陂孝感蘄水蘄潛江江陵石首武昌咸甯大冶黃岡天門松滋公安江夏興國漢陽廣濟嘉魚漢川沔陽黃梅監利二十四州縣及屯坐各衛被水災民○咸豐元年賑江蘇省銅山豐沛邳四州縣暨徐州衛災民○二年展賑山東省濟甯嘉祥金鄉魚臺滕嶧六州縣並臨清濟甯兩衛被水災民一月○又截留江蘇省漕米三萬二千石賑豐沛銅山邳海沭陽

清河桃源安東宿遷十州縣暨徐州大河二衛被水災民。○三年賑直隸省保定景二州縣被水災民。○又賑安徽省鳳陽靈璧宿五河四州縣及屯坐各衛被水被旱災民。○又

諭。安徽沿江各州縣經賊蹂躪居民糧食盡被擄掠顛沛流離深堪憫惻。現在李嘉端尚未到任著呂賢基周天爵先行督飭署藩司奎綬臬司張印塘派委賢員迅速分赴各屬勞來安集並飭將鄰近未經被擾各州縣倉穀趕緊碾運協濟或於經徵漕米內酌量留撥分別散賑平糶務須諄飭委員實心經理俾吾

諭

民於兵燹之餘。得資餬口。毋致仳離失所。○又

朕聞山東江蘇接壤地方。飢民沿途乞食。十百為羣。多係老幼婦女。繞路號號。實堪憫惻。上年因河南決口。山東江蘇被災處所。疊經降旨截漕賑濟。安輯窮黎。本年二月。復諭令楊以增。楊文定。派委賢員。分投履勘。各就地方情形。妥為辦理。現在豐工合龍。田廬雖已涸復。而無業窮民。仍如此流離顛沛。即籌辦團練。或可收集壯丁。而老弱婦女。終無生理。若不急籌撫字。為民父母。何以為懷。著楊以增。李德。即行設法。妥為賑恤。並派委道府大員。督率州縣會同公正紳

者。實心經理。以蘇民困而靖地方。○又賑直隸省保定文安固安天津四縣被水災民。○又賑浙江省臨海縣被水災民。○又賑山東省濟甯金鄉嘉祥魚臺滕嶧鄒七州縣被水災民。○又賑廣東省南海三水曲江海陽豐順大埔澄海高要高明東莞香山樂昌英德清遠四會饒平歸善博羅封川連鎮平陽山二十二州縣被水災民。並給坍塌房屋修費。○又賑山東省濟甯金鄉嘉祥魚臺滕嶧鄒七州縣被水災民。○四年。加賑直隸省保定文安固安天津四縣貧民口糧。

一月。○又賑江蘇省沛豐邳銅山碭山五州縣被水災民。○又賑直隸省獻交河天津河間阜城五縣被擾災民。○又賑直隸省保定東光二縣被水災民。○五年

諭。現在東河下北廳屬黃流漫溢。被水災黎。自應亟籌撫恤。所有本年山東省未經起運之漕米。即著就近截留五萬石。交崇恩確查被災較重地方。速為賑濟。一面咨查直隸被災各屬。酌量撥給。其河南省應徵未完漕米五萬餘石。並著英桂督飭各該州縣趕緊徵收於該省應行給賑地方。隨徵隨放。用副朕軫念

災黎至意。○又截留山東新漕二十一萬石。並上年
勸捐兵糈穀八萬八千餘石。直隸省城防堵買
存穀麥豆四萬七十餘石。及各州縣應交津貼
運費。備賑被水災民。○又賑山東省荷澤濮范
陽穀壽張單城武定陶鉅野鄆城金鄉肥城東
阿東平平陰齊東臨邑利津霑化嘉祥禹城濱
曹高唐惠民商河濟陽齊河海豐二十九州縣
暨東昌臨清濟甯三衛。東平所。永阜場被水災
區貧民。○又

諭。前因豫省被水災黎。亟宜撫恤。諭令英桂將應徵未

完漕米五萬餘石。截留該省。於應行給賑地方認真散放。茲據奏稱。體察民情。咸願散給賑銀。自應全放折色。以順輿情。著照所請。所有河南省截留滎陽等十二州縣未完四年漕糧五萬三百餘石。除濟源縣已解本色四千六百餘石留備展賑外。餘著按照每石一兩二錢五分解銀報解。該撫卽飭屬覈實散給。蘭儀等六縣被水災民。先於前發帑銀內動給。俾窮黎早霑實惠。○又賑江蘇省豐沛邳三州縣並徐州衛被災貧民。○又撥淮安關稅銀一萬六千兩賑江蘇省豐沛邳三州縣並徐州衛被災民。

○又賑直隸省吳橋東光景三州縣被擾災民。
○六年。展賑直隸省東明長垣吳橋東光保定。
開六州縣被水災民一月。○又展賑河南省蘭
儀祥符陳留杞封邱考城六縣被水災民一月。
○又賑山東省鉅野縣被水災民。○又補賑山
東省長清齊河二縣被水災民一月。○七年。展
賑山東省濮河澤鉅野壽張東阿鄆城定陶平
陰肥城齊東禹城范陽穀東平十四州縣被災
貧民一月。○八年。賑安徽省潁州亳壽六安霍
邱暨河南省固始各府州縣被旱被蝗被擾災

民。○九年。賑安徽省滁霍邱二州縣被災被擾
貧民。○又賑山東省荷澤濮范陽穀壽張東阿
東平齊東八州縣並東昌衛被水貧民。○十年。
賑順天府固安縣被水貧民。○又賑湖北省東
湖江陵松滋公安石首枝江宜都監利沔陽雲
夢漢川十一州縣並湖南省華容安鄉湘陰澧
沅江龍陽益陽巴陵八州縣被水災民。○十一
年。賑甯古塔被水被霜災民。○同治元年

諭。前因京師米價昂貴。諭令五城御史。於開放飯廠先
期一月舉行。俾資存活。因思內城住戶。亦多寒苦。相

去外城較遠。就食維艱。殊深矜恤。著五城御史於外城地面附近內城處所。約增數廠。廣為賑濟。以副體恤窮黎之意。○又賑直隸省開東明長垣三州縣被水地方災民。○二年。賑吉林打牲烏拉被災旗

丁。○六年

諭。前因順天直隸各地方久旱不雨。農業失時。曾經諭令萬青藜胡肇智劉長佑等。妥議救荒章程。奏明辦理。現在節逾夏至。尚未渥沛甘霖。民間播種無期。災歉之形已見。夙夜焦勞。寢食俱廢。亟應速沛恩膏。以救民困。著直隸總督順天府府尹。即飭所屬各地方

官清查戶口。安插流民。簡派公正紳耆。妥議賑恤章程。剋期具奏。應需帑項。即由戶部頒發。以供支放。此外或以工代賑。或多設粥廠。或就鄰封採買。或開義社常平各倉。以平米價。均著各就地方情形。迅速酌量辦理。該總督府尹等。務當督飭各地方官實力奉行。以副朝廷惻隱在抱之意。○又

諭。本年畿內亢旱。被災甚重。發帑賑濟。需款較多。除江蘇釐金二十萬兩。浙江釐金十萬兩。業經提撥外。再添撥廣東釐捐銀十萬兩。福建釐捐銀十五萬兩。江西釐捐銀十五萬兩。著各該將軍督撫等。按照添撥

數目一併於年內解到。毋得飾詞延宕。致誤要需。○
又賑直隸省開東明長垣三州縣被水災民。○
九年。賑直隸省開長垣南皮柏鄉四州縣被災
貧民。○十年。截留南漕並奉天粟米共六萬石。
賑銀四萬兩。由順天府查明被災處所。妥為散
放。並

命於黃村禮賢鎮龐各莊盧溝橋定福莊清河六處。分
設粥廠煮賑。○又賑山東省荷澤曹單定陶城
武鉅野鄆城濟甯金鄉嘉祥魚臺汶上東平十
三州縣被水災民。○又

命採購閩米四萬石。速解天津。接濟直隸省被水災區
春賑。○十二年。以永定河南岸決口。截留漕糧
八萬石備賑。並撥江蘇省江海關洋稅銀五萬
兩。甯蘇滬三局釐金各銀一萬兩。江安糧道庫
節存漕項銀二萬兩。共十萬兩。江西省釐金銀
五萬兩。九江關常洋稅銀三萬兩。共八萬兩。湖
北省江漢關洋稅銀三萬兩。釐金銀三萬兩。共
六萬兩。浙江省釐金銀三萬兩。浙海關洋稅銀
二萬兩。共五萬兩。福建省稅釐銀五萬兩。廣東
省鹽課銀五萬兩。安徽省釐金銀一萬兩。俾資

接濟。○又賑湖南省永順府地方被水災民。○

光緒二年奏准。江西省南昌新建二縣於城外適中之地。分設粥廠賑濟飢民。○又劃留山西省京餉二十萬兩。備該省賑恤。○又賑河南省祥符榮澤獲嘉濟源原武修武孟洛陽孟津鄭禹偃師鞏新安淇延津封邱陝靈寶閿鄉汝伊陽武陟二十三州縣被旱災民。○又

諭。本年山西亢旱。被災甚重。曾准曾國荃所請。截留應解京餉銀二十萬兩。並令李鴻章籌撥銀十萬兩助賑。河南亦被旱災。復准李慶翱所請。暫留未

解京餉及漕折銀共十四萬七千餘兩。以資應用。惟念災區較廣。飢民嗷嗷待哺。實堪矜憫。朝廷軫念窮黎。深恐未能徧及。致令失所。著戶部即行籌撥銀二十萬兩。李鴻章再行籌撥銀二十萬兩。作為該兩省賑款。山西情形最重。河南情形稍輕。所有此次備賑銀四十萬兩。著以七成撥歸山西。以三成撥歸河南。由戶部李鴻章照數分撥。曾國荃李慶翱得此鉅款。務當督飭在事各員。激發天良。穀實散放。俾閭閻得霑實惠。毋任中飽。本屆起運江安漕糧。並著截留四萬石。由李鴻章曾國荃設

法運解山西。以備賑濟之需。至山西河南災黎。待食孔亟。凡有商賈運赴晉豫米石。經過地方。著各該督撫飭屬暫免抽收釐稅。期於商販暢行。藉資接濟。○又撥部庫銀五萬兩。解赴陝西省。以備賑濟。○四年。撥通倉秬米十萬石。運赴河南省。賑被旱災民。○又加賑通州飢民粳米二千石。○又撥江蘇省漕米十二萬石。江北漕米四萬石。分賑直隸省飢民。○又賑河南省陳留杞蘭儀通許中牟滎陽汜水密新鄭武安涉陽武嵩盧氏寶豐魯山鄆陵尉氏洧川裕葉西華太康扶

溝南召長葛鄭榮澤禹湯陰林汲新鄉獲嘉輝
淇延津封邱濟源修武武陟原武偃師鞏孟新
安陝靈寶閿鄉汝伊陽安陽臨漳內黃濬滑河
內永甯舞陽唐六十州縣飢民○又

諭。山西上年被旱極重。疊經撥給銀米。以資賑濟。本
年六月閒。又遭大旱。被災之區。仍復不少。殘喘餘
生。何堪重困。著加恩撥給山東漕米十二萬石。以
濟賑需。其隨漕輕齎等銀。一併先行扣留備用。至
運解甚屬不易。並著戶部撥給庫銀二十萬兩。俾
充運費。○五年

諭。前因山西復被旱災。撥給山東漕米十二萬石。以濟賑需。此項漕米。計至本年二月間。即已放竣。該省飢民甚多。麥收又晚。青黃不接之時。仍恐無以為生。自應妥籌接濟。所有光緒四年山東經徵漕米。應交通倉之八萬餘石。即行儘數撥給山西。俾資賑濟。山東前欠解協濟山西運腳銀六萬兩。及此次隨漕經費輕齎等項。運通水腳雜費銀三萬數千兩。著文格一併撥交。以資應用。○又撥江蘇浙江兩省漕米各四萬石。分賑直隸省災民。○又撥截留江北漕糧六萬石。賑直隸省安州雄

縣等處災民。○六年。截撥江蘇浙江兩省漕米
共十萬石。分賑順天直隸各州縣災民。○七年。
撥湖北省本屆採買漕米三萬石。分賑順天直
隸等州縣災民。○又賑四川省鹽源縣河西地
方災民。○又賑安徽省潛山縣暨浙江省金衢
嚴等府屬災民。○又賑江西省玉山上饒廣豐
德興都昌鄱陽湖口浮梁德安建昌德化彭澤
餘干樂平進賢鉛山弋陽貴溪十八縣災民。○
又賑四川省敘永涪彭水奉節巫山綦江資七
州縣災民。○又賑浙江省臨安於潛仁和錢塘

暨餘杭縣之茗溪湖州府屬之霅溪等處災民。
○九年。撥湖北省本屆採運漕米三萬石。賑直
隸省文安大城任邱獻雄高陽安平安新城靜
海蠡博野深東鹿十四州縣災民。○又截留江
北漕米五萬石。京餉銀十六萬兩。賑山東省歷
城等縣災民。○又賑通州被水災民。○又賑熱
河被水災民。○又截留江北漕米六萬六千餘
石。分賑順天直隸災民。○又

命於定福莊黃村龐各莊采育孫河清河六處。分設
粥廠煮賑。○又撥部庫銀五萬兩。分賑順天直

隸被災戶口。○又截留湖北省本屆採運漕米三萬石。賑長陽興山。宜都雲夢潛江。江陵六縣災民。○又

諭。李鴻章等奏順直災區頗廣。賑需所短甚巨。懇准添撥銀米一摺。本年順天直隸所屬之武清等州縣。被水成災。小民困苦情形。殊堪矜憫。加恩著照所請。除由直隸截留江北漕米內。撥給順天所屬三萬石外。再由京倉添撥米四萬石。以資賑濟。其直隸所屬應賑災區。除撥給江北漕米不敷尚多。著再將奉天運通粟米一萬四千七百八十餘石。

全數撥給。至所請撥給順屬部庫銀五萬兩之處。
欽奉

慈禧端佑康頤昭豫莊誠皇太后懿旨。本年部庫撥款甚多。未免支絀。著戶部即將此次中秋節應進宮內款項。撥抵應用。毋庸呈進。欽此。李鴻章畢道遠周家楣。即飭各該地方官等。趕緊確查被災戶口。覈實散放。○又截留新漕五萬石。並隨漕輕齎等項銀兩。賑山東省歷城等處災民。○又

諭朕奉

慈禧端佑康頤昭豫莊誠皇太后懿旨。本日據左宗棠

楊昌濬奏清江設廠收養各路災民一摺。據稱清江為南北水陸通衢。災民紛紛南下。每日扶老攜幼。不絕於途。覽奏實深憫惻。現經左宗棠等督飭屬員。分設賑廠。妥籌收養。加恩著撥給銀一萬兩。俾資接濟。因思本年順天直隸山東湖北安徽等省。被災較重。前經降旨截漕發帑。第災區甚廣。人數衆多。仍恐難以周偏。自應特沛恩施。順天直隸著發給銀四萬兩。山東著發給銀四萬兩。湖北著發給銀三萬兩。安徽著發給銀二萬兩。該部即行迅速撥發。該督撫府尹務當嚴飭所屬。覈實散放。○十年。撥京倉米一萬五

千石。通倉粟米五千石。賑京城及順天各屬貧民。○又賑江西省浮梁縣災民。○又撥充公銀十萬兩。辦理順天賑務。○十一年。賑廣東廣西兩省被水災民銀各三萬兩。○又賑直隸省天津河間文安等處漕糧十萬石。○又賑山東省歷城章邱等處銀五萬兩。○又

諭。本年山東沿河隄埝。屢次漫決。小民顛沛流離。情極可憫。疊經諭令該撫妥籌賑撫。並特發內帑銀五萬兩。以資接濟。現在天氣嚴寒。被水災區。未經涸復者尚多。各災民棲身無所。餬口無資。一切因

苦情形。倍堪軫念。欽奉

慈禧端佑康頤昭豫莊誠皇太后懿旨。著戶部於年節應進宮內銀款。撥銀五萬兩。發交陳士杰覈實散放。欽此。該撫當仰體

聖慈。念民艱之意。遴派妥員。確查被災處所。分別散給。○十二年。截留山東本年新漕粟米六萬石。賑濟災黎。○又截留江蘇河運漕米及餘米共五萬二千八百八十石。奉天粟米一萬三千二百五十餘石。分賑順天直隸災區。○又

諭前因順直所屬被水成災。諭令截留漕米六萬餘

石備賑。昨據畢道遠等奏。順屬水災甚重。允准再撥漕米五萬石。並欽奉

慈禧端佑康頤昭豫莊誠皇太后懿旨。賞銀二萬兩。專備順屬賑撫之用。茲據李鴻章奏。本年七月間。連日大雨。河流陡長。宣洩不及。北運河等處先後漫口。香河武清通州三河寶坻甯河蠡縣高陽安州暨天津各地方。被淹甚廣。並永平府屬河水猝發。盧龍等縣亦被淹灌。覽奏殊堪憫惻。著照所請。由藩庫先行提銀十萬兩。李鴻章即督飭印委各員。迅速分投查勘。設法拯救。散放急賑。欽奉

慈禧端佑康頤昭豫莊誠皇太后懿旨。直隸各屬被水災民。嗷嗷待哺。著戶部再將此次中秋節應進宮內款項。撥銀二萬兩。由李鴻章派員承領。以資賑濟。欽此。該督務當仰體

聖慈軫念災區有加無已之至意。督飭各屬查明被災輕重。分別妥速散給。○又

諭。慶裕等奏沿河被水災黎。請發倉撫恤一摺。本年秋間。奉天遼河巨流大凌等河。因連日大雨。山水暴發。同時盛漲。平地水深數尺。田禾淹沒。人口傷斃。田莊臺一帶。被災尤甚。小民蕩析離居。深堪憫

惻。現經慶裕等捐撥銀兩。分別設法拯救。即著將該省各州縣存儲倉穀。酌量撥發。遴員會同地方官。確查戶口。覈實散放。俾資接濟。欽奉

慈禧端佑康頤昭豫莊誠皇太后懿旨。著將本年萬壽節內務府應進銀一萬兩。撥為奉天賑濟之用。欽此。慶裕等即當仰體

聖慈軫念民艱有加無已至意。督飭各員分投散給。○十三年。撥給順天直隸各屬江蘇海運漕米十萬石。分賑災民。○又截留山東省本年新漕五萬石。賑濮范壽張陽穀東阿平陰禹城等處災

民。○又賑湖北省沔陽監利漢川嘉魚等四州縣漕米三萬石。○又撥京倉漕米五萬石賑濟順天各屬災民。○又撥山東冬漕五萬石賑濟河南省被水災民。○又撥安徽省漕折銀五萬兩。蕪湖關常稅銀五萬兩備來年該省春賑。

欽定大清會典事例卷二百七十五

戶部

蠲恤 平糶

平糶。順治十七年議准。常平倉穀。春夏出糶。秋冬糶還。平價生息。務期便民。如遇凶荒。即按數給散災戶貧民。飭有司實力奉行。○康熙三十年。覆准。直屬所捐米穀。大縣存五千石。中縣四千石。小縣三千石。儻遇荒歉。即以此項給散。其留倉餘贍者。皆於每年三四月照市價平糶。五月初旬。將平糶價銀儘數解存道庫。九月初

旬。各州縣仍領出糴新穀還倉。○三十三年

諭各州縣積貯米穀。減價發糴。於民生大有裨益。霸州等被災地方所積穀。除散賑外。餘著減價發糴。其沿河一帶景州等各州縣。著將山東漕米。每歲截留二千石。亦發糴以平米價。○四十年題准。截留楚省漕糧四萬五千石。分發淮安等處平糶。以濟民食。○四十二年議准。將山東附近州縣漕糧。截留二萬石。運送被災州縣減價平糶。○雍正三年議准。廣東於通省府州縣存倉穀數多者。開倉平糶。即將價銀付穀少之州縣。糴穀存儲。其

有虧缺者。嚴追究補。再廣西桂林等府捐穀糶三價值。不必糶穀還倉。仍買穀運交廣東分儲。○又奏准。兩淮各場。江西九江關。湖北漢口鎮。鹽義倉米穀。每年遇有青黃不接之時。視市價貴賤。酌定平糶。浙江省發場借糶。收鹽抵款。○四年議准。平糶之時。如有姦商勢豪居積射利者。即時訪拏。按律治罪。該州縣官不嚴行查禁。由督撫題叅。交部議處。○又議准。凡有平糶州縣。多立廠所。各豫定日期。令附近村莊居民赴廠糶買。該州縣官親行監糶。毋使窮民有違涉。

守候之苦。○又議准。州縣官有將平糶米穀雜以灰沙者。一經查出。或百姓首告。該督撫即指名題叅。從重治罪。其所糶倉穀。或積儲年久。及零星量糶。稍有虧折。各州縣據實詳報。每石准銷三升。該督撫覈實稽查。儻有捏報者。亦即指叅交部治罪。○十一年

諭。前據直督奏請順天天津等七府五州酌量運米。以備平糶。並將所存倉穀存七糶三。以濟民食。朕已允行。今思此時正當青黃不接。糧價漸昂。各處皆有常平倉穀。其存貯倉穀萬石以外者。准其存七糶三。萬

石以內者。准其於糶三之外。酌量加增。若存貯甚少者。或增運北倉漕米。或撥領鄰近倉儲。務令各處米價得平。小民易於糶買。○十二年議准。地方偶遇歉收。即動本地方積儲倉穀減價平糶。或存七糶三。尚有不足。則酌量詳報。不必拘定糶三之數。○十三年議准。平糶常平倉穀。凡遇價值偶貴。各該州縣酌定賣價。一面開糶。一面詳報。○乾隆元年

諭。積貯平糶之法。原以便民。乃聞各省州縣於倉穀出入。竟有派累百姓者。當出糶之時。則派單令其納銀。

領穀若干。及買補之時。則派單令其納穀。領銀若干。納銀則收書重取其贏餘。納穀則倉胥大肆其勒抑。甚至以微爛之穀充為乾潔。小民畏勢。不敢不領。惟有隱忍賠累而已。更有山多田少之地。產穀無多。而該地方官不能向他處採買。但按田畝冊籍。覈算發價。派令百姓將田畝歲收之穀交倉。絕不為民間計及蓋藏。至有十餘畝之田。而亦責其承買米穀者。在附郭居民去倉不遠。尚可就近轉輸。至於遠鄉僻壤。離城百里或七十里之遙。亦一概令其領銀納穀。小民負戴越嶺登山。窮日之力。始至交納之所。而姦

胥蠹吏。又復任意留難。及平糶之日。寫遠鄉村。更不能均霑實惠。是不蒙積貯之益。而徒有轉運之苦。良法美意。行之不善。以致流弊種種。其作何變通。使閭閻實受其惠。而無有擾累。各該督撫大吏當悉心籌畫。令有司實力奉行。以副朕愛養斯民之至意。○又

議准。地方年歲豐歉不常。時價低昂不一。如該州縣連年豐收。平糶之時。時價較常價略有增長。即照常價減糶。以為出陳易新之計。如遇歉歲。時價高昂。民食維艱。若糶賣之時。先恐不敷買補。而稍為減價。虛應平糶之名。於民食仍無

裨益。應令歛收時大加酌減。以濟民食。○二年

諭

朕因直隸山東雨澤稀少。特降旨平糶。以濟民食。又遣侍衛等前往查勘地方情形。據奏稱山東州縣。雖有發賣官穀之舉。不過設廠數處。糴買人衆。在本處居民。尚有不能按日得買者。至路遠之民。往返維艱。守候終日。曾不得升斗而歸。止得仍向市集糴米。餬口。以此價值不得平減。直隸辦理。較山東稍為妥協。等語。夫平糶乃利濟貧民第一要務。應俾均霑實惠。如離府縣城郭遙遠之鄉村。亦當設法運至。如腳價無出。或動存公銀兩。或開銷正項錢糧。皆朕所不惜。

何至遠鄉之人。艱於奔赴。至於近地居民。不能按日得買。則明係胥吏為姦棍徒作弊之所致。該有司如何漫不經心。草率從事。而封疆大吏有牧民之責者。置民瘼於不問也。此旨到日。該撫悉心查察。選委幹員實心奉行。毋蹈前轍。直隸所辦較勝山東。總督李衛亦當加意料理。毋使一夫失所。朕仍不時遣人查察。儻有疏忽之處。惟該督撫是問。著該督撫將朕此旨曉諭百姓。務使遠壤窮民。均霑實惠。○三年議准。出糶倉糧。如遇歉歲平糶。酌量於鄉鎮村莊增廠糶賣。豐年仍在城中發糶。令貧戶齋門牌赴

糶所分圖輪買。○又覆准陝西甘肅兩省平糶倉糧除在城在鄉現在倉廩分儲地方臨時平糶外其餘村莊鎮堡酌量道路遠近於適中之地設廠運糶不必增建倉廩致滋糜費。○又議准衝要之所東西南北分設各廠老幼男婦令其分路出入不使擁擠守候豫期先將時價減價實賣若干之處榜示曉諭至於鄉村市鎮離城寫遠將倉穀運往酌量鄉戶多少以定糶穀之數其監糶之人一邑佐雜無幾既須在城監糶勢難兼顧應飭地方官即於本地衿耆內擇

其篤實謹飭有身家者。申報上司。委其辦理。有成效者。給獎。不肖者。斥之。○又議准。平糶除近城二十里以內。仍聽赴城就糶。其二十里以外。按地方廣狹。於適中之大鄉鎮。分設糶廠。將米穀運往。遴委教職佐貳監看。不得專任衙役。○又議准。平糶之時。應令貧戶各齋門牌。赴廠驗明。保甲稽查。糶給之數。每戶以二斗為率。不許過多。○六年

諭。國家設立平糶之法。乃惠濟貧民第一要務。但恐發賣官穀之處。與鄉村相隔遙遠。則小民赴糶為艱。是

以乾隆二年因直隸山東平糶濟民。曾降諭旨。如離府縣城郭路遠鄉村。有司當設法運糶。僅腳價無出。或動存公銀。或動正項錢糧。今年江浙地方有被災之州縣。明年麥秋以前。非平糶不能接濟民食。該督撫務飭有司。審度道路之遠近。將倉米四路分糶。以就民便。著各該督撫妥協辦理。○七年

諭。從前蘇撫奏請減價糶穀。於成熟之年。每石照市價覈減五分。米貴之年。每石照市價減一錢。此蓋欲杜姦民賤糶貴糶之弊也。但思尋常出陳易新之際。自應遵此例行。假若荒歉之歲。穀價甚昂。止照例減價。

一錢。則窮民得米。仍屬艱難。不需恩澤。嗣後著該督撫臨時酌量情形。應減若干。豫行奏聞請旨。如有姦民賤糶貴糶之弊。嚴拏究治。○又

諭。各省凡遇歲歉米貴之年。著該督撫即飭地方官多出倉貯。減價平糶。務期有濟民食。毋得拘泥成例。○

又

諭。各省地方每遇歉收。米價昂貴。國家動發倉儲。減價平糶。乃養民之切務。然有司經理不善。即滋弊端。是以乾隆四年有奏請於成熟之年。每石照市價減五分。米貴之年。每石照市價減一錢者。本年二月間特

降諭旨。令該督撫等於地方歛收平糶之時。酌量情形。應減若干。豫行奏聞請旨。今朕再四思維。地方當饑饉之時。黎民乏食。朝廷百計區畫。方且開倉發粟。急圖拯濟。一賑再賑。以安全之。豈有於平糶一節。豫防姦民之賤糶貴糶。不為多減價值。而使嗷嗷待哺之窮民。仍復艱於餬口乎。況赴倉糶買官米。與赴店糶買市米。其難易判然。又可歷數。銀色有高低之不同。戥頭有輕重之不同。道里有遠近之各殊。守候有久暫之莫定。此在平時且然。何況年荒乏米之日。若官價照時價略為少減。則所差幾何。是國家徒有平

糶之恩。而閭閻未受平糶之益也。朕恫瘝在抱。言念及此。再明白曉諭。嗣後務將該地方實在情形。必須減價若干。方與百姓有益之處。確切奏聞。請旨。至於姦民當歛收之年。圖利囤積。將官穀賤糶貴糶。則惟在州縣官嚴行查拏。儻或疏漏隱匿。該督撫即刻嚴叅。從重治罪。○又議准。各省荒歉之歲。窮民待哺。孔殷。向奉

恩綸。准其大加酌減。閭閻已霑惠澤。惟是各省道里遠近不等。情形緩急不同。若必俟奏請之後。始行減糶。恐小民不免守候之苦。應通行各省。如遇

荒歉之歲。督撫審其實在情形。將必須減價若干。始於民生有益之處。一面具奏。一面辦理。○

十五年

諭。朕明春巡幸江浙。曾經降旨。每省各截留漕糧十萬石。以資平糶之用。今據浙撫奏稱。溫台各屬。今歲秋收稍薄。米價未免增長等語。著將浙省乾隆十五年漕糧。再截留五萬石。俾糶用充裕。民食有資。所有截留撥運事宜。仍著該撫詳悉酌籌。妥協辦理。○十六年

諭。京師米價。較上年漸覺昂貴。向來八旗米廠。原為平

減市價而設。但照舊發糶。恐尚不足以資調劑。從前曾因米貴增設廠局。遣乾清門侍衛等分局監糶。今雖不至如甚貴之年。但米價既昂。應酌量增設米局。自於民食有益。著在京總理事務王大臣速行定議。一面辦理。一面奏聞。欽此。遵

旨議定。八旗內務府二十七米局。並五城各廠。應令該管官實力奉行。如米不敷。陸續赴倉支領。僅有姦戶囤積。旗民爭糶。以及各局廠重戕秤收等弊。令各旗都統。步軍統領。都察院。五城御史。順天府尹。嚴行查拏究治。現在

京師米價。老米每石一兩六錢五分。稔米。倉米。皆每石一兩五錢五分。若僅照從前奏准每石減時價一錢平糶。似不足以資調劑。請照乾隆十三年之例。老米每石定價一兩四錢。稔米。倉米每石定價一兩二錢。糶賣之米。銀錢兼收。再京外各米價亦未平減。農民買食維艱。亦於四路同知駐紮之處。分設四廠。各發米二千石。即令各該同知就近經管平糶。並令通永霸昌二道督率辦理。酌委科道官四人。各部賢能司官八人。前往督查。其米悉照京廠定價零星糶賣。多

不過一石。並酌量分設米廠。毋致擁擠。務須嚴密稽查。毋使姦民囤積。如該地方官稽查不周。致滋弊竇。該科道察出叅處。至八旗五城米局。並各鄉增設米廠。應需之米。令倉場侍郎每米千石發老米二百石。秔米倉米各四百石。以便民食。其四鄉需用米。即速分倉照例撥車運送。四路同知。所有一應稽查平糶各事宜。均照乾隆九年之例辦理。○又

論。前因京師米價騰貴。經朕降旨。於京城及四鄉分設米廠。減價平糶。今回鑾至京。聞市價仍復稍昂。目前

麥收雖近。尚未登場。正資米接濟。著再撥米十萬石。照前所辦平糶章程辦理。以裕民食。○又

諭前因京師米價稍昂。經朕屢降諭旨。特撥倉米於城鄉分局平糶。以濟民食。但念京師內外既有八旗及五城平糶米局。又經賞給兵丁季米。米糧充裕。易於購買。惟四鄉地方所設米局。僅各一處。其村莊僻遠者。未免往返艱難。當此青黃不接之候。需米孔殷。應照乾隆二年之例。俾四鄉增設米廠。得以就近糶買。更為有益。並遣御前侍衛前往督查。如有姦徒市僧乘機射利私販囤積者。著順天府步軍統領衙門多

差巡役。嚴行查拏。從重治罪。其如何分撥米石。增設米廠之處。著軍機大臣。連議具奏。欽此。遵

旨議定。現蒙

聖恩。賞給八旗兵米一季。即於閏五月開放。將來京城內外米糧。自必充裕。八旗五城。毋庸更行撥糶。此次酌撥米十萬石。悉運往四鄉平糶。以便民食。○又

諭浙省溫台等屬米價昂貴。本地存倉米穀不敷平糶。著江浙二省督撫。於浙省及江省稍近州縣常平倉穀內。酌量應需數目。作速動撥。碾米運往溫台等屬。

接濟平糶。其常平缺額。即於浙省冬兌漕糧內照數截留撥補還倉。○又

諭。據浙撫奏稱。浙省現資糶賑。請於湖廣兩省撥穀碾米協濟。若係額外溢穀。即補浙省未足之額。若係額穀。則將浙省現存糶價解楚歸款等語。著照所請。令楚省督撫酌量撥穀碾米二十萬石。即著浙省委官前至漢口接運赴浙。以備賑糶之用。○十七年

諭。江西南康九江廣信饒州四府屬。上年收成歉薄。經冬及春雨雪嚴寒。糧價益貴。朕心深為軫念。著該撫速行妥協籌辦。或就近動撥倉糧。大為減價平糶。或

即賜以一月賑恤。總不必拘定勘不成災常例。務俾窮黎得續饗。不致失所。○二十四年

諭京通各倉成色米石。發交良鄉等處平糶。著酌量地方市價。每石減糶銀二三錢。○二十九年覆准。嗣後各省州縣存倉米穀。除實遇歉收之年。米價過昂。非糶三可濟民食者。據實酌量多糶。其尋常歲稔價平之年。照存七糶三之例辦理。○四十年

諭上年豫省秋雨未能普霑。二麥尚未徧種。業經降旨將收成歉薄之汲淇等縣。蠲免緩徵地丁銀十分之

四第念該省當青黃不接之時。市集糧價未免昂貴。民食不無拮据。著照例將常平倉穀減價平糶。又諭亳州等州縣接壤豫省。因黃水漫溢。致田廬淹浸。被災較重。已傳諭該督撫。令將川省水次倉穀二三十萬石碾運之米。酌撥安省被災地方。以備賑糶。今據該撫勘明亳州蒙城等處被災較重。著即動支倉穀。設廠平糶。四十四年奏准嗣後豫等平糶倉糧。每石不得過三錢。如果有必須大加酌減情形。各督撫臨時確切奏

聞請

旨。○四十五年覆准嗣後各省平糶除數在例內者仍循舊例辦理外如遇收成歉薄糧價昂貴或有接濟他省必須逾額多糶數在五分以上者令該督撫聲明先行報部如數在五分以上者奏明辦理其空倉全糶於地方儲備有關永行停止。○四十七年

諭本年直隸承德府各屬雨澤未溥糧價稍昂現在平糶以資接濟數日以來雖已甘霖疊沛而青黃不接之時尚恐民食未免拮据著再加恩將存倉餘米平糶三千石。○又奉

旨承德府屬平糶餘米。業經展糶。著再加恩平糶一千石。○四十八年

諭朕明春南巡。著照從前之例。於江浙二省冬兌漕糧。內各截留十萬石。在水陸駐蹕地方。分廠平糶。即令各該督撫妥協辦理。○五十年

諭直隸上年秋冬以來。雨澤稍疏。麥收恐不免歉薄。此時即得甘膏。播種大田。西成尚早。所有景州等州縣。著即行減價出糶。以平市價。○又

諭直隸東光等縣。民力雖較景州等處稍為寬裕。現在市集糧價。亦未平減。著加恩一體減價出糶。以平市

價。○又

諭。湖北江夏等州縣。因入夏以來。未得透雨。早中二禾。鮮有收穫。糧價未免稍昂。著照歉收地方之例。將倉穀減價多糶。○五十三年奏准。臺灣賊匪經過各路。米價昂貴。設廠平糶。○又

諭。現在京城雖得澍雨。而近畿一帶。雨澤較稀。保定所屬及涿州等處。得雨亦未深透。恐商販米石運京較少。市價不免日漸昂貴。所有上年平糶餘存米三萬四千石。即著原派監糶大臣。照舊章程平糶。並著戶部查明各倉現存麥石。除酌留敷用外。其餘儘數發

出。交監糶大臣。一併出糶。○五十九年

諭。濟南武定等府各屬。雨澤稀少。麥苗未能長發。糧價漸增。民力稍形拮据。著動支倉穀。減價平糶。以資接濟。○嘉慶七年

諭。上年直隸被災州縣較多。經朕疊沛恩施。設法賑恤。並豫行降旨。令奉天山東河南三省。採辦米麥高粱三十萬石。以備平糶之用。現屆青黃不接之時。該省市糧稀少。價值增昂。小民糶食維艱。著照所請。將前項糧石。按所減價值。分別派撥糶賣。該督務須嚴飭各屬。實心經理。俾市價日就平減。○又

諭直省上年被災較廣。現在麥收分數豐歉未定。所有米麥高粱等項。雖經各按市價以次遞減。尚恐民食維艱。著加恩將各項價值再行遞減。以示朕軫恤災黎有加無已至意。○又

諭江西南昌瑞州各屬地方。上年偶值偏災。收成歉薄。節經加恩賑恤。並諭令減價平糶。惟市價較之常年增長過倍。自應大為調劑。以濟民食。著將南昌瑞州等屬糧價在二兩四五錢者。每石減銀二錢。價在二兩六錢至二兩八錢者。每石減銀三錢。價在二兩九錢至三兩一錢者。每石減銀四錢。價在三兩二錢至

三兩四錢者。每石減銀五錢。統俟市價平復。再行停止。○又奏准。山西省上年被水之猗氏。安邑。夏。聞喜。四縣。托克托。城薩拉齊兩廳。一律照例平糶。○十年。平糶山西省上年歉收之太原。潞安。汾州。大同。朔平。甯武。澤州等府。遼沁。平定。忻代。保德。霍。隰等州。所屬各州縣廳存儲倉穀。○十二年。平糶河南省之內黃。安陽。湯陰。溫。孟。五縣倉穀。○又。

論。上年奉天。承德等州縣偶被偏災。曾經降旨加恩。概行展賑。至該處被災地方糧價昂貴。即未經成災之

處市價亦未平減。旗民糴食維艱。自當豫為調劑。但開倉平糴。不可不嚴加監察。以期實惠及民。所有各州縣存貯穀石。著准其照市價酌減十分之三。均勻減糴。除該將軍等於省城地方監放平糴外。其餘各州縣。即著副都統。城守尉等。就近前往監察。嚴飭各該地方官。於開倉平糴時。實心經理。毋任胥吏侵漁。以濟民食。○又奉

旨。江西湖南宿州等十三幫漕糧。計船六百六十餘隻。此時尚未渡黃。所有此項漕米七十二萬四千餘石。著分撥江蘇二十萬石。分撥安徽十萬石。各於災歉

之區。量為平糶。所收價值。即著於各該藩庫內存貯。報撥。仍知照江西湖南湖北各該撫。按照三十萬石之數採買。隨同新漕搭運。○又

諭。廣西桂林府屬之臨桂靈川興安陽朔永甯永福灌陽平樂府屬之平樂永安賀縣修仁荔浦昭平。柳州府屬之雒容柳城羅城融縣懷遠來賓象州二十州縣。被旱歉收。糧價昂貴。自應及時調劑。著於各州縣常平倉存穀內。共動用三萬七千二百石。即按所定章程。於各該州縣城市妥為出糶。其有存倉陳穀不敷動用之處。准其於新穀內酌量撥補。○十四年

諭直隸上年被水已未成災各州縣。現當青黃不接之時。自應分別借糶。以資接濟。著將恩賞截留漕米。除酌留出借口糧。並以工代賑外。其餘米石。照嘉慶七年減價舊例。作為平糶之用。○十六年

諭直隸上年被水州縣。節經蠲緩展賑。俾霑愷澤。因思當此青黃不接之時。仍恐民力稍形拮据。自應量為接濟。所有奉天運直米石。除給賑外。尚有餘賸。著減價平糶。以資民食。○又

諭甘省上年被旱。前經該督奏撥倉糧。於賑恤煮粥之外。在省城按照時價。每石減銀一錢。平糶過糧八千

七百五十餘石。本年自春夏以來。該省雨水缺少。糧價增昂。該督奏請照時價每石減銀三錢。於皋蘭縣開廠平糶。以資接濟而裕民食。自係實在情形。即照所請行。○十九年議准。吉林民倉額儲本色穀二萬石。減價平糶。○又奏准。撥湖北省安陸應城黃岡。三縣倉穀四千石。運赴應山縣平糶。撥房縣餘存秋米。運赴鄖陽竹山竹谿保康房鄖西六縣平糶。○又奏准。山西省交城文水奇嵐翼城鄉窰長子屯留壺關介休臨大同高平陵川。遼和順沁沁源武鄉平定壽陽孟忻定襄靜樂保

德河曲解安邑夏平陸聞喜隰大甯蒲永和和林格爾嵐興襄陵洪洞曲沃黎城平魯陽城沁水臨晉猗氏榮河萬泉虞鄉芮城河津五十二廳州縣及樂平鄉巡檢所屬米價昂貴平糶倉穀○又奏准葉爾羌糧價昂貴平糶倉麥○又

諭雲南嵩明等九州縣溢額米石因倉廩不敷收貯民房廟宇日久潮溼難免徵變之虞自應量為調劑著將此項米石飭令各該州縣按照市價就近糶賣○又奏准撥天津北倉卸儲奉天米二萬二千餘石備直隸各州縣平糶○二十三年奏准撥京

倉麥一萬石。給順天府屬大興宛平二縣減價平糶。○又奏准撥京倉粟米一萬石。交順天府減價平糶。撥天津北倉備賑餘米。給直隸歙收地方減價平糶。○又奏准撥京倉麥五千石。粟米五千石。交大興宛平二縣分廠減價平糶。○又奏准撥京倉麥五千石。粟米五千石。交順天府接續平糶。○二十四年奏准山西省臨汾吉潞城壺關孝義甯鄉大同豐鎮五寨高平陽城遼榆社和順沁武鄉忻河曲解夏垣曲絳永和清水河托克托城二十五廳州縣糧價昂貴。平

糶倉穀。○道光元年奏准。湖南省糧價增昂。減價平糶倉穀。○又奏准。貴州省糧價驟昂。思南丹江兩處。現已開倉平糶。○三年奏准。於南糧頭進幫船內撥米一萬石。在直隸文安大城等州縣平糶。再撥米五萬石。為直屬平糶之需。○

又

諭。本年江蘇省江甯蘇州松江太倉各州縣。被水較重。米價漸昂。飭令被災各廳州縣。赴司借領銀兩。於鄰省成熟地方採買米石。運回糶賣。○又

諭。孫玉庭等奏災區糧價增昂。請借項採買米石一摺。

本年江蘇省被水地方。米價昂貴。前經降旨飭令於鄰省成熟地方。採買糶賣。以裕民食。茲據奏稱蘇州省城。業經長洲元和吳縣各請領銀三萬兩。委員分投江廣一帶採辦。至江甯省城情形稍異。援照道光元年成案。請於鄰省借項採買。著照所請。准於江西藩庫借銀四萬兩。湖北藩庫借銀四萬兩。俟江省委員到日。即動項給領。仍曉諭行鋪。按照市價平買。趕緊運回糶賣。江西湖北兩藩庫所動之款。即作正開銷。其運回糶出米價。就近借交江甯藩庫報部撥用。至糶價不敷。及運腳銀兩。既據該督等暨司道府等

官捐廉貼補。毋庸報銷。○又奏准。浙江省被水各縣。動碾倉穀。減價平糶。○又奏准。山西省保德州。薩拉齊廳。上年被水。平糶常平倉穀。○又奏准。山西省襄陵。太平。鄉甯吉。潞城。孝義。永甯。平魯。甯遠。偏關。陽城。陵川。定襄。靜樂。絳霍。趙城。河津。蒲嵐。永和。二十一廳州縣。糧價增昂。平糶倉穀。○又奏准。安徽省各州縣。被水較重。委員前赴四川。湖廣。江西等省。購買米十萬石。分運災區。減價平糶。○四年

諭。蔣攸銛奏上年被水州縣。請減價平糶一摺。直隸各

州縣展賑將次放竣。該督體察情形。尚須大加減糶。以平市價。若照歷年成案。以二兩五錢定價。小民仍難於買食。著照所請。無論秬米粟米。統按市集次粟米價。數在一兩八錢。至二兩及二兩一錢者。每石減銀三錢。二兩一錢以上。至二兩四錢者。每石減銀四錢。二兩五錢以上。不必按價遞減。每石總以二兩定價出糶。數在一兩八錢以內。至一兩七錢餘者。俱減至一兩五錢為止。其在一兩六錢及一兩六錢以內者。仍照常例。每石減銀一錢。毋庸再行議減。所需米石。如有本處倉穀。並上年賑贖米石可動者。即先儘

動糶其存不敷用及本處無米穀可動者將上年原撥奉天粟米除本年展賑撥用外其餘酌量撥給領糶。○又奏准山西省交城汾西長子壺關渾源大同靈邱豐鎮鳳臺榮和萬泉榆社河曲解安邑芮城垣曲隰大甯左雲和順二十一廳州縣上年歉收平糶倉穀。○五年奏准山西省浮山吉渾源廣靈山陰應甯遠右玉高平陽城陵川沁水遼和順榆社河曲安邑夏芮城河津二十州縣糧價昂貴平糶倉穀。○六年奏准山東省聊城堂邑博平茌平莘冠館陶高唐八州縣並東昌

衛糧價昂貴。平糶倉穀。○又奏准山西省祁臨汾。太平。洪洞。浮山。翼城。汾西。鄉甯。孝義。臨大同。鳳臺。陵川。猗氏。榮和。萬泉。虞鄉。壽陽。定襄。解夏。河津。聞喜。趙城。靈石。隰蒲。二十七州縣。並豐鎮。和林格爾。托克托城。三廳。平糶倉穀。○又奏准山東省壽張。東阿。陽穀。清平。濮。平陰。六州縣。糧價昂貴。平糶倉穀。○八年

諭。博啟圖等奏。雙城堡公倉應糶歸款穀石。請照時價出糶一摺。吉林雙城堡穀石。前經富俊奏准。每倉石以三錢五分出糶。價銀歸補動用款項。至道光六年

出糶五年分穀石。富俊按照時價減至二錢五分。經戶部覈與奏定之數不符。駁令加增報部覈辦。茲據該將軍等奏稱。該處連歲豐收。糧多價賤。係屬實在情形。且該處官兵。又有每歲認買公倉出陳之糧。統計不下五六萬石。自未便於時價之外。再為加增。著照所請。准其將雙城堡六七兩年所糶五六兩年倉穀。照依該年時價。以二錢五分報銷。嗣後此項倉穀出糶時。著該將軍等即將現年實在時價。據實奏明報部覈銷。○九年奏准。吉林三姓地方。糧價昂貴。平糶倉穀。○又奏准。福建省福安縣。米價增昂。發

倉穀平糶。○十年奏准。福建省南屏縣水災。發倉穀一千三百石。減價平糶。○十一年奏准。直隸省磁邯鄲成安雄安高陽滄無極延慶九州縣平糶倉穀。○又奏准。浙江省仁和錢塘武康歸安德清臨海新城烏程八縣平糶倉穀。○又奏准。江西省南昌新建豐城進賢清江峽江廬陵安福萬安泰和龍泉餘干德化湖口彭澤建昌十六縣發倉穀減價平糶。○又奏准。湖北省嘉魚漢陽黃岡沔陽監利江夏蒲圻武昌蘄水黃梅黃陂孝感漢川安陸雲夢石首潛江荊門。

咸甯興國二十州縣發倉穀平糶。○又奏准安徽省當塗巢廬江五河鳳陽繁昌青陽鳳臺含山懷遠合肥壽滁休甯黟十五州縣撥附近各州縣常平倉穀平糶。○又奏准湖北省被災歉收購米減價平糶。○又奏准安徽省懷遠縣歉收減價平糶倉穀。○又奏准江蘇省被水災區糧價昂貴發常平倉穀減價出糶。○又奏准甘肅省渭源岷西和鎮番平羅碾伯秦秦安安西敦煌玉門十一州縣發倉穀減價平糶。○又奏准江西省浮梁縣景德鎮窯戶被災發常平倉

穀減價平糶。○又奏准本年安徽省沿江暨濱臨淮湖各屬均被水患。委員馳赴河南採買米麥十萬石分運災區減價平糶。○又奏准江西省地方被水較廣。委員赴四川採買米石運回平糶。○十二年

諭。上年江西被水較廣。米價增昂。必應廣為籌備。著即委員前赴四川將指撥各廳州縣倉穀運回江西分發平糶。○又奏准甘肅省城糧價較昂。撥狄道州倉糧減價平糶。○又奏准江西省上年被水各屬米價增昂。再出倉穀平糶。○又奏准江西省大

諭

庚縣上年被水歉收。撥吉安贛州兩府屬倉穀平糶。○又奏准福建省城糧價增昂。撥各府屬倉穀平糶。○又奏准湖南省安鄉平江二縣糧價增昂。撥湘陰瀏陽湘潭三縣倉穀平糶。○又府奏京城內外分廠出糶。暨籌議章程各摺。在京五城正副十廠著撥給米五萬石平糶。杭米每石制錢一千七百文。稔米每石制錢一千文。每人每日准糶米自一二升至二斗止。不得逾數。其大興宛平之黃村采育定福莊孫河沙河盧溝橋龐各莊七廠著撥

給稜米二萬石。加撥黑豆二萬石平糶。稜米卽照戶部此次減定之數。每石制錢七百文。定期出糶。又通永霸昌二道所屬之通州薊州三河昌平平谷密雲順義七州縣。被旱較重。著撥給粟米三千石。白麥三千石。黑豆二萬石平糶。粟米每石減定制錢一千三百文。白麥每石減定制錢一千五百文。黑豆每石亦照原定認買之數制錢七百文。分廠出糶。所有應撥糧石。著倉場侍郎查照成案。卽於京城十一倉內照數動撥。不得攙和糠土。及私增糶價。剋減升斗。並因戶冒買。吏役勒索諸弊。儘查有經理不善。卽指名嚴

奏懲辦。○十四年奏准。湖北省武昌漢陽二縣米價昂貴。採買米石平糶。○又奏准。貴州省都江廳災民乏食。平糶常平倉穀。○又撥江西省各屬倉穀。運赴南昌。新建二縣平糶。○又奏准。山東省濟甯金鄉魚臺單四州縣。平糶常平倉穀。○又奏准。江西省南昌。新建二縣。減價平糶倉穀。○又奏准。福建省節年歉收。省城米價昂貴。平糶倉穀。○又奏准。貴州省威甯州市糧昂貴。減價增糶倉穀。○十五年奏准。山西省太平。曲沃。汾西。渾源。大同。廣靈。陽城。陵川。解垣。曲。十州縣。

平糶常平倉穀。○十七年奏准。陝西省葭榆林懷遠膚施甘泉宜川延川延長安定安塞保安定邊十二州縣平糶倉穀。○十八年奏准。山西省太平汾西鄉甯襄垣豐鎮永濟猗氏萬泉遼夏稷山垣曲永甯十三廳州縣平糶倉穀。○二十二年奏准。湖南省臨湘縣平糶倉穀。○又奏准。江蘇省山陽縣及淮安大河二衛糧價昂貴。平糶宜興高淳二縣倉穀。○二十七年奏准。山西省遼代絳解臨汾襄陵洪洞浮山太平曲沃翼城甯鄉長治襄垣靈邱廣靈陽高陽城永濟

猗氏榮和萬泉武鄉安邑夏芮城。河津聞喜靈石。二十九州縣。平糶常平倉穀。○咸豐四年奏准。山西省夏芮城和林格爾三廳縣。發倉穀平糶。○五年奏准。江西省武甯星子都昌建昌德化德安瑞昌湖口彭澤廣昌十縣。平糶倉穀。○又奏准。安徽省廬鳳潁被災較重。撥賑濟銀二萬兩採買米石。減價平糶。○又撥安徽省備賑銀二萬兩。分給合肥舒城鳳陽定遠懷遠鳳臺亳蒙城潁上九州縣及泗州衛。買米平糶。○七年奏准。廣東省民食向藉粵西販運接濟。現路

途梗阻。糧價翔貴。請飭福建湖南兩省所屬州縣。勸令商人。多運米穀。赴粵糶賣。○八年奏准。江西省南昌新建豐城進賢鄱陽餘干樂平浮梁安仁萬年星子都昌建昌安義十四縣。平糶倉穀。○十年奏准。江西省南昌新建豐城進賢金谿鄱陽餘干萬年建昌德化德安湖口十二縣。平糶倉穀。○同治六年

諭。本年天氣亢旱。糧價騰貴。守護

東西陵寢八旗綠營禮工二部。內務府官兵差役。覓食維艱。著各賞給銀二萬兩。由戶部給發。為平糶之用。

○光緒二年奏准。河南省春夏亢旱。將備荒積穀平糶。○又奏准。安徽省由司庫地丁項下撥銀二萬五千兩。發交鳳潁安廬兩道買米平糶。○又奏准。福建省城及延平府屬。猝遭水患。撥運糧米平糶。○三年奏准。陝西省河北數縣。被災較重。勸諭各富紳集貲買糧平糶。○又奏准。直隸省本年歉收。委員赴奉天採買糧石。藉資平糶。○又議准。山西省災區較廣。由直隸籌款採辦米糧一萬八千石。並勸捐集貲購糧七千石。運至太原平陽等處平糶。○又奏准。福建省

城及延建汀各郡水患頻仍。動碾倉穀。減價平糶。又奏准山西省定襄忻二州縣發常平倉穀八千七百五十四石。減價平糶。又奏准廣東省廣韶惠連等屬同遭水患。由藩運兩司庫借銀十萬兩。並酌提惠濟義倉存項銀一萬兩。委員赴江蘇上洋鎮江等處採買米石。運回平糶。